

<b>BIL</b>	<b>SOALAN LAZIM</b>	<b>JAWAPAN</b>
1	Apakah Jadual Waktu Peperiksaan Akhir Selaras?	Jadual Waktu Peperiksaan Akhir Selaras adalah jadual waktu peperiksaan akhir yang digunakan secara selaras oleh seluruh Politeknik Malaysia melibatkan semua kursus kod baharu yang mempunyai peperiksaan akhir.
2	Mengapa kursus yang saya ambil tiada dalam Jadual Waktu Peperiksaan Akhir Selaras?	<p>Pembinaan Jadual Waktu Peperiksaan Akhir Selaras adalah berdasarkan kepada data pendaftaran/penambahan/pengguguran kursus yang sehingga Minggu Pengajian ke-6 dari Politeknik masing-masing. Sekiranya kursus anda tiada di Jadual Waktu Peperiksaan Akhir Selaras terdapat kemungkinan :</p> <ol style="list-style-type: none"> <li>1. Data pendaftaran kursus anda mempunyai masalah di Politeknik. Sila rujuk dengan Politeknik masing-masing berkaitan status pendaftaran kursus tersebut.</li> <li>2. Kursus kod lama Tahap 1 , 2 &amp; 3 (cth: BA101, BA301, JJ201, dll) tidak disusun di dalam JWPA Selaras ini. Sila rujuk pada Jadual Peperiksaan Induk yang dikeluarkan oleh Politeknik masing-masing.</li> </ol> <p>Jadual Waktu Peperiksaan Akhir bagi Program Diploma Kejuruteraan Perkapalan dikeluarkan oleh Politeknik yang berkaitan sahaja.</p>
3	Kenapa kursus kod lama tiada dalam Jadual Waktu Peperiksaan Akhir Selaras?	Jadual Waktu Peperiksaan Akhir Selaras disusun hanya untuk kursus-kursus kod baharu sahaja. Tarikh dan masa peperiksaan kursus kod lama akan ditentukan oleh Unit Peperiksaan Politeknik masing-masing. Sila rujuk Unit Peperiksaan Politeknik masing-masing untuk maklumat lanjut.
4	<ul style="list-style-type: none"> <li>• Kenapa terdapat 2 kursus (peperiksaan) dalam satu hari ?</li> <li>• Kenapa saya perlu menduduki 3 peperiksaan pada hari yang sama?</li> <li>• Kenapa jadual peperiksaan saya padat?</li> <li>• Bolehkah jadual peperiksaan saya dibuat selang sehari/beberapa hari?</li> </ul>	<p>Prinsip pembinaan Jadual Waktu Peperiksaan Akhir Selaras oleh Jawatankuasa Jadual Waktu Peperiksaan Akhir Selaras Politeknik KPM adalah :</p> <ol style="list-style-type: none"> <li>1. Memastikan tiada pertindihan waktu peperiksaan DAN meminimumkan bilangan pelajar yang menduduki Peperiksaan Akhir Selaras sebanyak 3 atau 2 sesi sehari. Namun hal ini tetap tertakluk kepada kekangan masa dan tarikh peperiksaan yang ada mengikut Takwim Akademik.</li> <li>2. Mendahuluikan penetapan waktu peperiksaan bagi beberapa kursus yang ditawarkan di beberapa Jabatan Akademik untuk mengelakkan pertindihan major (cth: kursus DBM1013, BA501, dll. ).</li> </ol>

		<p>3. Tidak meletakkan kursus yang sama tahap dalam hari yang sama melainkan kes-kes khas yang tidak dapat dielakkan bagi mengelakkan pertindihan.</p> <p><b>KURSUS YANG SAMA</b> ditawarkan oleh <b>PROGRAM YANG BERLAINAN</b> (cth: DBM2013 ditawarkan oleh semua Program Kejuruteraan yang berbeza di Politeknik seluruh Malaysia) perlu diberi keutamaan bagi mengelakkan pertindihan major. Disebabkan kekangan masa yang ada seperti yang dinyatakan di atas , akan terdapat beberapa kursus (terutama kursus yang ramai pelajar Mengulang Kursus) yang TERPAKSA diletakkan bersama dengan kursus lain dalam tarikh yang sama.</p>
5	Kenapa jadual peperiksaan saya ada pertindihan?	<p>Mengikut norma pembinaan Jadual Waktu Peperiksaan Akhir Selaras yang lepas, TIDAK akan berlaku pertindihan waktu peperiksaan setelah semua perkara yang dinyatakan di atas diambil kira, MELAINKAN:</p> <ul style="list-style-type: none"> <li>a) Pelajar yang mengambil kursus di mana jurang tahap bagi kursus tersebut yang terlalu jauh (cth : Pelajar semester 6 masih mengambil kursus tahap 3 atau 4)</li> <li>b) Pelajar yang mengulang kursus bagi tahap berbeza seperti di atas.</li> <li>c) Pelajar yang tidak mengikuti Pra Syarat yang telah ditetapkan bagi sesuatu kursus.</li> </ul>
6	Saya rasa tertekan kerana jadual waktu peperiksaan akhir terlampaui rapat menyebabkan saya tiada ruang untuk membuat ulangkaji dan berkemungkinan risiko untuk gagal adalah tinggi.	Pelajar boleh membuat perancangan ulangkaji dengan lebih awal setelah menerima Draf 1 Jadual Waktu Peperiksaan Akhir Selaras untuk mengelakkan tekanan dalam minggu peperiksaan sekaligus dapat mengelakkan risiko kegagalan.
7	Bolehkah jadual waktu peperiksaan saya diubah kerana saya sudah membeli tiket perjalanan pulang lebih awal?	Sila rujuk kepada Takwim Akademik yang diedarkan di awal semester sebelum membuat sebarang perancangan anda.
8	<ul style="list-style-type: none"> <li>• Apa yang perlu dibuat sekiranya jadual peperiksaan saya bertindih?</li> </ul>	Sila maklumkan kepada Pensyarah Kursus/Penasihat Akademik/Penyelaras Peperiksaan/Unit Peperiksaan dengan segera sejurus selepas Draf 1 Jadual Waktu Peperiksaan Akhir Selaras dikeluarkan.

	<ul style="list-style-type: none"> <li>• Apa yang perlu dibuat sekiranya jadual peperiksaan saya 3 sesi sehari?</li> </ul>	
9	Mengapa terdapat campuran kod lama & baharu di dalam jadual peperiksaan saya?	Campuran pendaftaran kod lama & baharu mungkin disebabkan kesilapan semasa mendaftarkan kursus. Sila rujuk dengan Penasihat Akademik anda di Politeknik masing-masing.